

Bibliotheek ta amplia su orario di prestamo

ORANJESTAD- Servicio Mediateca Escolar di Biblioteca Nacional Aruba ta amplia su orario di prestamo, entrante e aña escolar aki, 2012-2013. Cu esaki 3 bes den siman anochi, por bishita e departamento na edificio principal na Oranjestad, dialuna, diaranson y diabierna e servicio ta habri te 8'or di anochi.

Servicio Mediateca Escolar ta un servicio special di biblioteca pa scolnan, maestronan, studiantenan di I.P.A. y otro instancianan educativo. Ademas di e servicio di prestamo e departamento SME ta duna sosten pa por habri un Biblioteca Escolar pa scolnan cu ta desea esaki. Usuari- onan di Servicio Mediateca Escolar por haci uzo di

e diferente coleccion cu ta ofrece. Pa menciona al- gun:

- **Wisselcollectie** : aki ta trata di un coleccion di maximo 10 buki cu por wor- do presta pa maximo 3 si- man. E coleccion por con- sisti di buki di storia y buki informativo.

- **Thema collectie**: e coleccion aki ta specifica- mente riba un tema p.e. 'Mi curpa', 'floran', etc . Por presta e coleccion pa maximo 1 luna y mester so- licita esaki 1 siman prome cu ta busca e coleccion. Por haci e peticion via tele- fon y e-mail. E coleccion por consisti di storia y buki informativo.

- **Klasse- collectie**: ta



un coleccion pa uza den klas y cu por wordo presta pa 3 luna. Cada maestro mes ta scoge e buki pa e coleccion aki. E grandura di e coleccion ta depende

di e grandura di e klas .

- **Schoolbibliotheek collectie**: dependiendo atrobe riba grandura di e scol lo ricibi un colec- cion cu por wordo cambia

cada 2 aña escolar.

Pa por haci uzo di Servi- cio Mediateca Escolar simplemente mester acudi na oficina y inscribi como miembro. Miembresia ta completamente gratis.

Orario di oficina ta :

Dialuna : 8:00 – 11:45 a.m. y 1:30 – 7:45 pm

Diamars : 8:00 – 11:45 a.m. y 1:30 – 5:00 pm

Diaranson :SERA MANTA 1:30 – 7:45 pm

Diahuebs : 8:00 – 11:45 a.m. y 1:30 – 5:00 p.m.

Diabierna :SERA MANTA 1:30 – 7:45 pm

Bou di e departamento di Servicio Mediateca Esco- lar ta resorta tambe e Ser- vicio di Bibliobus. E 2 bus cu ta bishita e scolnan di educacion basico ta hiba number di 'Shon Shoco' y 'Compa Nanzi'. En total nan ta bishita 11 scol. Ora cu un bus bishita un scol e ta subi riba e tereno di scol y e muchanan por drenta den e bus pa scoge nan buki pa lesa, bou di guia di e personal di bibliobus y e maestro(a) di e klas. E coleccion ta consisti di bukinan di storia y bukinan educativo (studieboek). Muchanan di eerste te cu vierde klas por presta 1 buki cada dos siman y esunnan di vijfde y zesde por presta 2 buki cada dos siman.

Segun un itinerario e bus- nan ta bishita e diferente scolnan y asina ta hiba e buki cerca e mucha cu no por yega facil na lo- calidadnan di Biblioteca Nacional Aruba. Pa cual- kier informacion por yama libremente na telefon 582 1580. Personal semper ta cla pa yuda. □